

政記

元明至稱德

四

		和書門	
一六	三七	二八	三五
冊	架	函	號


庫		文		閣		內	
三	九	一	六	八	六	五	和
二	二	六	五	三	三	三	書
架	冊	冊	號	架	冊	號	類

內閣文庫	
番號	和 28635
冊數	16 (4)
函號	139 139


史傳載紀

史傳載紀
十





日本政記



元明天皇

小名阿閉天智第四女母蘇我如娘
醜草壁太子生元正文武在位八年

改元一曰和銅禪位元正後
六年崩壽六十一葬推山陵

和銅元年

戊申春正月武藏秩父郡獻銅因改元大赦


賑窮老旌節孝免武藏今年庸本郡調三刀以右

大臣石上磨呂為左大臣大納言藤原不比等為右

大臣秋八月改製銅錢文曰和廢銀錢

三年春陸奧越後蝦夷叛以左大辨巨勢磨呂為

鎮東將軍上野大輔佐伯石湯為征狄將軍分道討



日本政記 卷之四

之
三年庚辰春三月遷都平城置左右京坊初文武有遷都志不果帝即位決議就役教有司勿致勞擾因免今年租調
四年辛丑秋詔九衛士尪弱緩急不足用專委長官簡點勇敢每歲代易後又詔六道諸國每年貢造器仗不牢固巡察使出日審爲校勘
五年壬子春正月正五位上太安磨呂撰古事記成奏上夏先是詔貸諸國大稅三年勿收其利至是又詔前賑貸者本爲濟百姓窮乏今國郡司及里長等

因緣爲姦利者以重罪論秋大赦免諸國田租畿內調九月大政官奏陸奧曠僻蝦夷易叛請割其地十二郡爲出羽國置守等
六年癸丑詔諸國作風土記
七年甲寅夏六月立文武帝子美麻斯爲皇太子
八年乙卯夏敕諸國朝集使諸國百姓背本貫規避課役者淹留踰三月者即土斷輸調庸當從國法又詔諸國郡司治殿最爲三等致百姓流亡十人以上者解見任秋七月知太政官事穗積親王薨九月天皇禪位於皇女一品冰高內親王

日本書紀 卷之四

天皇元正天皇 諱水高一 名新家元 明女文武御在位十年 改元二日 靈龜曰養老 禪位

皇太子後二十四年崩 壽六十九 火葬佐保山陵 後改葬奈保山

靈龜元年 卯 秋九月天皇即位 尊先帝曰太上天皇

美麻斯烏皇太子石上磨呂為左大臣 藤原不比等

為右大臣如故 冬十月詔戒諸國司教民兼耕陸

田種禾麥雜穀不專趣水澤之種

二年 丙辰 夏四月詔凡貢調役夫入京之日所司親臨

察其儲備若國司勤加勸課能合上制則與字育和

惠肅清所部之最不存教諭事有闕乏則處撫養垂

方境內荒蕪之科依功過加黜陟又比年計帳具言

如切推勸物數足以掩身然入京役夫衣服破弊菜

色猶多空著計帳徒延聲譽務為欺誑以邀其課國

郡司如故朕將何任今後宜恤民隱以副所委

河內和泉三郡置和泉監 秋八月以多治比縣守

等為遣唐使下道真備阿部仲磨呂僧玄助等入唐

留學

養老元年 卯 春三月左大臣石上磨呂薨 夏四月

詔禁民恣髡首道服者及僧尼巫咒妖惑百姓逐僧

行基及其從弟 是歲行幸美濃得醜泉大赦旌孝

義改元

二年戊午夏筑後守道首名平道首名爲筑後守攝肥
後事勸詠耕種多興陂池及築齋燈祠之大
三年己未夏六月令皇太子始聽朝政秋七月始置
按察使巡省諸道且冬十月詔一品舍人親王二品
新田部親王輔佐太子

四年庚申春遣使察隸鞆風土仲夏五月先是敕舍人
親王撰日本書紀至是成奏北人秋八月右大臣藤
原不比等薨不比等內大臣鎌足子歷事四朝文武
娶其女賜封五千戶世襲固辭受二千
戶余上一即位任大政大臣亦固辭不拜及薨贈大政
大臣正一位至聖武時追封近江曰淡海公四子武
智稱南宮房前稱北家宇合爲式部大夫以舍人親
夫稱式家磨呂爲左京大夫稱京家

王知大政官事新田部親王知五衛及授刃舍人事
是歲隼人蝦夷竝叛殺大隅守陸奧按察使遣朝

臣討平之五而其多由北其言命其
五年辛春正月以大納言長屋王爲右大臣二月
以比年凶飢多軍興詔求直言公卿各上意見免陸

奧筑紫今年調庸死事者給復二年免畿內調七道
役冬十二月太上天皇崩元葬元明天皇
六年壬戌秋詔以今夏無雨苗稼不登諸國司勸課百

姓種晚禾大小麥及蕎麥爲儲備免七道今年田租
七年癸亥夏四月大政官奏民戶漸多田地窄狹勸課

諸國關田疇制可發役所須皆借官物給糧食令各
國郡司督役付良田一百萬町是歲有司奏言諸
國罪人准法當流以上者總四十一人詔並赦之
漆部司令史文部石勝坐盜官漆當流三兒皆幼詣
闕請為官奴贖父事聞詔特釋石勝
八年甲子春二月天皇禪位於皇太子
顯囊曰天智畫六之政天武以還經於持統文武
元明元正而莫之或更率由其舊而倍修治之課
牧宰禁姦利通言語明軍政正度量覈律令其記
正於策者班班然可按也而其大者在於保民而已

矣民之於君猶水之於魚土之於木也有此則活
無此則死故保民乃所以自保也國朝之定租稅
已輕於二十取一矣而列朝之政有水必減有旱
必蠲有疾疫興作軍旅必給復之其逋和積欠在
十數年之前者時出令除免之勲懇如此者不徒
垂恩以結其心也不如此則民力薄民力薄則國
本弱欲強其本者必培而次之猶恐其或墜有根
斯有枝有民斯有君列聖之所為亦察於此爾後
世則不然以為君本也民末也務培克之浚其膏
血以自殖輔其欲者謂之能吏呵責鞭撻以求應

副流亡歲多田土歲蕪補目前之外合而損後日
之億萬國以貧弱至不能自保則誰之咎歟故曰
君之保民所以自保也抑後世之君非不欲保
民也無奈國用不足也故欲保民者必自儉不特
自儉也以此率人所以上下俱給也當列帝之時
勸民課種諸穀至蔬菜之類莫不曲盡而交易之
用則止於錢非如後世之汲汲造金銀幣也而未
嘗聞其用之或滯且乏所以能然者何哉聖武初
年以京師士民板屋草舍難營易破五位以上及
庶民力堪營辦者令瓦葺烏乎其風俗之不奢也

如此後世之貴金錢賤穀粟上下常苦不給而農
民無息肩之日者其故可知已

聖武天皇

諱美麻斯文武子母夫人藤原氏在位二十六年改元三曰神龜曰天平

日天平感寶禪位皇太子後七年崩壽五十六葬佐保山陵

神龜元年甲子春二月天皇即位尊先帝曰太上天皇

益一品舍人親王封五百戶知大政官事如故加二

品新田部親王一品右大臣長屋王為左大臣三

月行幸吉野宮尊夫人藤原氏為皇太夫人夏

四月陸奧蝦夷叛詔以式部卿藤原宇合為持節大

將軍討之令坂東九國兵三萬教習騎射五月以

從五位上小野牛養為鎮狹將軍鎮撫出羽 冬十月天皇遊幸紀伊明光浦十一月大政官奏京師士民板屋草舍難營易破請五位以上及庶人力堪營辦者以瓦葺塗丹堊奏可 是月宇合等還 是歲始築多駕城

二年乙丑夏五月幸吉野宮

三年丙寅冬十月行幸播磨印南

四年丁卯春二月聚僧尼九百於中宮讀金剛經禳災異皇太后好佛先是以災異屢見度僧三千人令京師諸寺轉經七日尋以帝病又度三千人 冬十一

月立皇子為皇太子

五年戊辰秋八月始置中衛府及內匠寮 九月皇太子薨 是歲渤海國始遣使來聘

天平元年己巳春二月殺左大臣長屋王王高市皇子之子好文詩多交游有告其私學左道陰謀不軌即夜發兵圍其第明日遣舍人親王及藤原武智磨呂鞠河賜死坐流七人 夏六月左京職賀茂子蟲獲龜背有文曰天皇貴平知百年因改居天平 秋八月立夫人藤原充明子為皇右藤原不比等女

二年庚午夏四月始置皇右官職施藥院 秋八月詔

安藝周防民造妖祠死竟及京左山原人妖言聚徒
 多至萬人首斬次流于六里秋八月以藤原宇合藤原磨呂多治比縣于
 三年辛未秋八月以藤原宇合藤原磨呂多治比縣于
 大伴道足等為參議 冬十一月新田部親王為畿
 內大總管藤原宇合為副鎮撫諸道
 四年壬申夏旱 秋發遣唐使
 五年癸酉敕諸國以去年旱貸大稅
 六年甲戌春正月以大納言藤原武智磨呂為右大臣
 七年乙亥冬十一月知大政官事舍人親王薨 是歲
 遣唐使還學生下道真備僧玄助等皆至獻曆樂書

佛經等詔賜玄助紫袈裟為僧正真備為中宮亮
 九年丁丑春陸奧鎮守將軍大野東人奏本國達出羽
 柵行程迂遠請征雄勝夷通直路制可遣持節大使
 藤原麻呂助之築雄勝桃生二城 秋七月以右大
 臣藤原武智麻呂為左大臣尋薨 九月以從三位
 鈴鹿王知大政官事
 十年戊寅春三月立皇女阿部內親王為皇太子以大
 納言橘諸兄為右大臣
 十二年庚辰冬太宰少貳藤原廣嗣上表請誅僧玄助
 下道真備因舉兵入犯遣大野東人將兵伐破之斬

廣嗣先是玄昉有寵於太后還自唐詔賜紫袈裟為僧正居之內道場又有寵於皇后真備為中宮亮不
敢言廣嗣為上守奏劾玄昉帝不納納玄昉請奏使廣嗣外任廣嗣妻有色玄昉欲姦之不可書告廣
嗣廣嗣乃上表指斥時政之失及玄昉真備之姦朝議以謀反發五道兵一萬七千伐之廣嗣至板橋河
縛筏欲濟官軍先鋒佐伯常人發弩拒之呼曰廣嗣反逆黨者族誅廣嗣下馬絆曰廣嗣非敢反請誅姦
臣耳常人曰矯官符發兵非反而何廣嗣不能對上馬退其眾遂潰廣嗣欲航海逃風逆還至肥前被捕

斬及其弟綱手

十三年_巳春正月遷恭仁宮受朝宮垣未成繞以帷

帳三月詔諸道每國置護國滅罪二寺造七層塔

十四年_午春廢太宰府秋造近江紫香樂宮

十五年_未夏以右大臣橘諸兄為左大臣冬建築

紫鎮西府置將軍

十六年_申春二月營難波宮遷居焉

十七年_酉夏五月還平城居中宮院諸司百官皆復

本曹遷東大寺六月復太宰府秋九月知大政

官事鈴鹿王薨是歲自夏至秋地震配僧玄昉

筑紫檢造觀音寺以群臣多言地震玄昉專恣所致也
 十八年^{丙戌}秋九月毀恭仁宮施於國分寺百是歲敕
 造金銅盧舍那佛於東大寺賜下道真備姓吉備
 十九年^{丁亥}大饑
 二十年^{戊子}夏四月太上天皇崩葬元正天皇
 天平感寶元年^{己丑}春二月陸奧守百濟敬福獻黃金
 夏四月盧舍那佛大像成帝與皇后皇太子幸東
 大寺拜慶改元左大臣攝諸兄從授敬福從三位免
 陸奧二年調庸以大納言藤原豐成爲右大臣豐成

武智磨呂之子也秋七月天皇禪位於皇太子帝
 遜位落髮就唐僧鑑真受菩薩戒自稱三寶奴
 賴襄曰天武生文武生聖武當相繼即位而
 持統元明元正以女主更彌縫其間者蓋恐幼主
 不可親政事馭臣民而威權或下移也文武既膺
 大寶政無闕失聖武之爲太子舍人新田部二親
 王並以祖叔父輔佐之稍習聽政然後元正禪之
 位豈非謂其已堪負荷矣哉然即位未周月輟事
 巡遊當是時太白數晝見蝦夷叛發九國兵伐之
 將帥未復命而車駕復南矣所以消災異者讀經

度僧而已矣長屋王之獄發於倉卒不讞而決其能審其由僧玄昉出入兩后宮醜聲聞外而無或誰何則帝之不君柔暗不待智者知也攝諸兄身為大臣而不能匡救不足深責也獨恠二親王久居輔儲之任及其未立必睹其不君之實矣何不白元正發昏立明以二親王之資望烏有不可為哉不能睹其不君乎不明也睹其不君而不能決廢立乎不斷也豈其衰邁耄耄不能有為邪抑勢有不可也何哉帝者藤原氏之出也鎌足之勲在於社稷不比等歷事四朝身生二后朝廷崇寵之

至欲拜大政大臣而為帝之大援所以不可搖焉烏知非長屋王之賢嘗擬易儲戚畹所諱而譏問六入之哉故將兵圍其第就焉窮治者皆不比等之一子也而三親王不敢為別白焉其事情可見也玄昉之姦天下所切齒故至有抗表舉兵請誅除之者而帝不省雖帝之柔暗而亦由中有為之援爾夫是君權所以漸下移非待文德清和而然也至如大藤原廣嗣之舉兵激於妻事類明吳三桂之事矣而指玄昉真備為謀賊如宋秦檜之類未可知其是否也

其稱德孝謙天皇

諱阿倍聖武女母皇弟藤原氏在位十年改元二曰天平勝寶

曰天平寶字

禪位皇太子

天平勝寶元年丑秋七月天皇即位改元尊先帝曰

太上天皇九月始置紫微中臺以藤原仲滿為紫

微令豐成弟也以美姿儀受寵

四年壬夏四月行幸東大寺百官儀衛如正朝聚僧

一萬施寺封至五十月禁天下今年殺生

六年甲夏四月再幸東大寺受菩薩戒是歲遣唐

副使吉備真滿大伴古磨呂至自唐大使藤原清河

留學生阿倍仲磨呂留住唐

八年丙春左大臣橘諸兄致仕尋薨夏五月太上

天皇崩聖武遺詔立中務卿道祖王為皇太子太子新

田部親王子天武帝孫也葬聖武天皇

天平寶字元年丁酉春三月廢皇太子夏四月立大

炊王代之王舍人親王子善於仲滿得其女寡居者

為妃故仲滿立為儲武右大臣豐成爭之不得五

月以藤原仲滿為紫微內相秋七月下左大辨橘

奈良磨呂於獄杖殺故太子及黃文王小野東大

伴古磨呂流安宿王於佐渡貶右大臣藤原豐成為

太宰員外帥奈良磨呂諸兄子也憤仲滿所為謀殺

之立廢太子事露抵罪坐得罪者二百六十餘人豐
成又被誣爲黨故貶於八月改元
二年^{戊戌}秋八月天皇禪位於皇太子
賴襄曰聖武聽宮闈之勸糜府庫之藏塗生民之
膏血於寺塔佛造其心焉繼以孝謙之縱恣居位
皆久六帝豐富之業於是而衰譬若民家行儉致
富而逢驕逸之子孫頓落其產積之如築山而喪
之如燎毛是古今通患也可勝歎哉吾嘗竊謂聖
武之爲君其猶唐高宗歟不能制其婦也雖天橫
未至爲則天矣而孰知其女之代爲之哉雖非異

姓也而其忌宗室剪除之則同焉立嗣皇而旋廢
放之則同矣變更官名則同焉以酷刑立威彫弊
海外則同焉悍且淫則同焉道鏡如薛懷義仲滿
如張昌宗而勢力皆過之怙權作亂至不可勝言
橘奈良磨呂藤原良繼舉李敬業之事輒不能克
天幸而仲滿斃於前道鏡敗於後而孝謙亦以病崩
豈非宗廟之有靈焉爾耶百川永手運謀定策於
廢興之際頗有狄仁傑張柬之之風而不復貽武
三思之患光仁桓武之中興不愧明皇之業而無
其天寶之衰豈其君臣之才謀有過唐氏邪抑亦

祖宗德澤紀綱迥別於唐業也

廢帝諱大炊舍人親王第七子母夫人當麻氏在位八年廢於淡路明年崩壽三十三葬

淡路三原郡

天平寶字二年戊戌秋八月天皇即位尊先帝曰太上

天皇詔改官名以藤原仲滿為大保改賜姓名

惠美押勝稱尚舅封三千戶功田一百町世襲冬

十月詔國司交替以六年為限加舊制二年每至三

年遣巡察使檢校治績十二月敕太宰府嚴海防

尋令筑紫七國造甲刀弓箙以小野守使渤海還聞

唐有安祿山之亂也

三年己亥夏六月追尊皇考曰崇道盡敬皇帝冬置

授刀衛

四年庚子春正月以太保惠美押勝為大師授從一位

尋進正一位賜近江高島淺井鏤穴二所

五年辛丑冬十一月以惠美朝鴉為東海道節度使百

濟敬信南海道使吉備真備西海道使點兵艦四百

艘兵四萬餘習騎射陣法以新羅數闕禮欲征之也

朝鴉押勝子

六年壬寅夏六月太上天皇落髮召五位以上宣詔自

今國家大政賞罰二柄朕親決之少事啓天皇

七年^{癸卯}夏旱 右中辨藤原良繼謀誅藤原仲滿不成 詔除姓奪位良繼式部卿宇合子坐兄廣嗣事流伊豆赦還累遷及押勝擅政三子并參議良繼慙立其下且疾押勝所為與佐伯今毛人石上宅嗣大伴家持等謀除押勝語洩下吏鞠問良繼曰獨我謀之而已押勝奏劾大不敬有是命 秋九月以僧道鏡為少僧都道鏡弓削氏先是入內道場有寵於上皇帝屢以為言故與上皇有隙 八年^{甲辰}秋九月藤原仲滿反伏誅押勝懼道鏡奪已寵謀除道鏡遂幽上皇乃諷上皇自請為都督畿內

三關近江丹波播磨等國兵事使兵士更番集習又私倍其數用大政官印下之大外記兵部省並密上變上皇遣少納言山村玉吹其鈴印詔削押勝官位族姓遣兵守三關其夜押勝招合黨與奔近江官兵直取田原路先至燒斷勢田橋押勝懼走高島募兵得數千奉鹽燒王為主上皇敕從五位下藤原藏下麻呂將兵討破之押勝航鹽津逃風逆還三尾為官軍所獲斬鹽燒王亦被殺 詔復官名召還藤原豐成復為右大臣禪師職掌封戶一准大臣 冬十月太上天皇遣兵部卿和氣王等率兵圍中宮院廢天

皇為淡路公天皇不及衣履出至圖書寮北受官詔
徙淡路幽之一院踰歲公不勝幽憤踰垣逃為追兵
所獲明日薨院中

稱德孝謙天皇

重祚在位六年改元二日天平神護日神護景雲崩壽五十三

葬大和高野山陵

天平神護元年己春正月天皇再臨朝改元二月
改授刀衛為近衛府始置內厩寮禁人臣私蓄兵仗
以藤原藏下磨呂為近衛大將秋八月殺兵部
卿和氣王王舍人親王曾孫竊冀為皇嗣數召善巫
鬼者事泄逃亡索獲絞殺之冬十月行幸玉津島

閏月以僧道鏡為大政大臣禪師令文武百官拜

賀十一月右大臣藤原豐成薨

二年丙午春正月以大納言藤原永手為右大臣冬

十月授道鏡法王位階在正一位上服食準供御

以右大臣藤原永手為左大臣吉備真備為右大臣

初帝在東宮真備侍讀

神護景雲元年未丁春二月天皇臨大學釋奠秋八

月改元

二年戊申秋七月旌表對馬負婦高橋武備後孝子綱

引金村

三年己春正月大臣位下百官朝道鏡於西宮前殿
夏五月放不破內親王京外帝妹爲鹽燒王妃有
告其咒詛者故得罪 秋八月詔遣從五位下和氣
清磨呂於宇佐廟復命流之大隅先是廟祝阿曾磨
呂稀首託神語曰宜傳位於道鏡因有此命道鏡召
見誅以禍福清磨呂出遇其友路豐永豐永曰子此
行所係極大勉旃道鏡得天位吾當與子從伯夷遊
耳清磨呂曰吾生死以之俛還奏神語曰我國家唯
神兼緒敢崩非望者速加誅戮道鏡大怒斥爲矯誣
奪官位姓名處流使人殺之途會救使來獲免在配

所參議藤原百川爲分其封給之得不乏云
賴襄曰所貴於士以其有氣節無氣節非士也士
之有氣節不獨以立其一身也足以維持國家定
天下之安危國之有士氣也猶家之有柱也舟之
有楫也舟無楫則覆家無柱則傾國無士氣則亡
吾觀於和氣清磨呂之事有以知之神龜寶字之
際朝廷之士可謂無氣節矣橘諸兄以華胄位極
正一位矣聖武之惑溺婦言事無益興造不聞其
一言匡救之也帝之慶盧舍那佛也與皇后皇太
子備儀衛往諸兄爲後乘合掌膜拜以當萬衆之

政言 卷之四
觀而不耻也吉備以儒學受寵而擢位至大臣稱
爲帝師矣玄昉之濁亂宮闈而熟視之而已仲滿
之驕橫道鏡之僭竊而如不聞知相率拜賀仰爲
法王而不耻也觀此二人之所爲可以推其他矣
景雲之元釋奠大學其二年旌表孝子負婦其三
年百官朝道鏡於西宮噫釋奠之禮何禮乎旌表
之典何典乎而真備則以爲道行矣乎故講禮講
學儼然稱士大夫而無氣節焉則其無益於國也
如此夫以赫赫天朝祖宗百世之天下而欲傳之
一比丘誰不知其不可而莫敢言者何哉曰懼禍

也當是時有一人焉言之是捐其一身以存祖宗
之天下也清磨呂是已故曰士之氣節關係天下
國家有天下國家者不可不養此以爲倚賴也及
光仁天皇之即位首召還清磨呂復其本官是矜
式士大夫定天下之所向也嗚呼可謂知所務矣
天下可百年無如諸兄真備者不可一日無如清
磨呂者

冬十月幸由義宮權建肆廊於龍華寺號由義爲西
京十一月還
四年庚春二月復幸由義宮夏四月還六月不

豫以右大臣真備知中衛事左大臣永手知近衛外衛事秋八月天皇崩于西宮先是道鏡侍帝於由義宮進異味既歸得疾不起右大辨藤原百川與左大臣藤原永手近衛大將藤原藏下磨呂等定策禁中迎天智天皇孫白壁王立為皇嗣差近江兵二百騎守衛朝廷葬稱德孝謙天皇流僧道鏡于下野九月詔省冗官召還流人和氣清磨呂尋復本官

賴襄曰宜乎藤原氏之比降於王室也我王家一危於皇極兩傾於孝謙而匡正之者皆藤原氏微

鎌足雖有天智誰翼戴之微百川雖有光仁桓武誰定其策哉其後又有基經焉而先孝宇多得立焉此五君者皆克復大業澤浹後世謂之中宗高宗上接於神武無愧焉者而藤原氏援而立之如捧赤日而上之天衢排雲霧而衣被山川草木其功豈不偉哉有功斯有報宜乎其與王室比隆也乃天道也世徒見其中世以後奕葉專權也而憎疾之過矣夫使藤原氏無其前之功而獨有其後之罪焉爾則謂無天道可矣夫其專擅也非倚外戚之就也哉加此五君則槩非其出也而其殷殷

運謀効力於此者豈非其心以宗社爲憂公且誠者也邪天下之事非公且誠不能成也況當其事之艱難危疑以不公不誠處之雖有才略智勇安能濟乎觀百川之處事可以見焉孝謙有疾有人曰能治之而卻小使進及議嗣續大臣之意有他所屬而不顧直矯遺旨會百官宣詔不如此則失機會也可謂明決之才能濟大事矣雖然其所爲不幾於抗悍自用乎而立談之頃能轉危爲安中外恬然者何哉人心去孝謙思得明主屬望於光仁而百川因而定之爾桓武之事亦然是之謂公

也誠也公且誠則人心服焉人心服焉則天意從焉故曰藤原氏比隆王室天道也天道不可觀也以人心視之世或傳百川定桓武之際有醜怪不可言者吾斷以爲野人語耳何以證之曰以其非人心



三才圖會卷之四

夫君子之於學也非其心設於社稷憂公且
者其學天下之學非其心設於社稷憂公且
之學也其學也非其心設於社稷憂公且
能辨乎則百則之義事可以足而事則有疾有人
曰能治之而亦不無進及退則續人之意有他
人則亦不無進及退則續人之意有他
則善者皆謂其欲其入無事所以結文曰以其非
以人心則文由是動百則家既定之則亦謂其
既知其所以及於其至矣然其文能不可謂其
世歸其公且歸其人心則其入以是謂其大也

圖書大庫

三才圖會

